

IN NOMINE TRINITATIS.

DE

SENSU SCRIP-
TURÆ SACRÆ
DISPUTATIO THEOLOGICA

SEXTA ET ULTIMA,

Quæ est

De illâ Quæstione:

QUODNAM SIT SUFFICIENS FUNDAMEN-
TUM RECEDENDI A LITERA, ET AD-
MITTENDI TROPUM?
POSTERIOR.

Quam

In Illustri Universitate Jenensi

SUB PRÆSIDIO

PRO-RECTORIS MAGNIFICI

VIRI

Reverendi plurimum, Amplissimi atq; Excellentissimi

DN. CHRISTIANI CHEM-
NITII, SS. Theol. Doctoris atq; Prof. Publ.
famigeratissimi, Ecclesiæ Jenensis Pastoris, ac reliqua-
rum, quæ hujus sunt Diocæses, Superattendentis longè
vigilantissimi, Domini, Patroni atq; Præceptoris sui jugi

submissione animi æternum devenerandi

Publicè respondendo καὶ δόξα μιν τρεβίται


GEORGIUS Göge / VVICHMARIA-THURINGUS.

Ad d. XXVII. Mensis Februarii

In Auditorio Majori.

TYPIS EXPRESSIT GEORGIUS SENGENWALD,

ANNO CHRISTI MDCLVI.





In Nomine Sacro-Sanctæ Trinitatis.

De,

SENSU SCRIPTURÆ SACRÆ

DISPUTATIO THEOLOGICA

SEXTA ET ULTIMA,

Quæ est

De illâ Quæstione, :

**QUODNAM SIT SUFFICIENS FUN-
DAMENTUM RECEDENDI A LITERA
ET ADMITTENDI TROPUM?
POSTERIOR.**

THESIS PRIMA,



HActenus igitur ostensum est, quod *RATIO HUMANA* non possit esse *FUNDAMENTUM* vel *PRINCIPIUM*, propter quod in *Dictis Sacra Scriptura*, *mysteria fidei* exponentibus, *admittendus sit TROPUS*. *Mysteria enim fidei* sunt extra ejus objectum, & supra eam constituta: & per revelationem supernaturalem & divinam innotescunt: Et si pro principio admitteretur, oppidò haberent hæretici, ut de *RATIONE*, sed malè tamen applicatâ, gloriantur. Nunc itaq; in materiâ eâdem, cum *DEO*, pergen- dum est.

II. Considerandum igitur est **III.** *An non sufficiens fun-
damentum recedendi à literâ, & admittendi Tropum, sit CON-
TRADICTION?* Quando videlicet aliqua assertio *Sacræ Scri-*

A 2

pturæ,

pturæ, apertè videtur alicui principio RATIONIS aut NATURÆ contradicere. Quæ consideratio quidem cum præcedenti Secundâ maximam partem coincidit: volumus tamen de eâ hic separatim adhuc agere; Ut deveniamus ad illas duas itidem nobiles quæstiones. I. *Ad quem Judicium de Contradictione in tali casu pertineat?* II. *Unde petenda sint fundamenta conciliandi Contradictionem, tum quando SCRIPTURA, & RATIO in abusu constituta sibi invicem contradicunt; tum quando Scriptura ipsa sibi videtur contradicere?* Sunt enim mysteria fidei ita comparata, ut ad decempedam humanæ RATIONIS mensurari non possint. Unde fit, ut quando v.g. Sacra Scriptura dicit: *Virginem peperisse*, Esa. 7. v. 14. Matth. 1. v. 23. Luc. 2. v. 7. Humana RATIO, malè applicata, & extra suam Sphæram egrediens, dicat, hoc esse impossibile; cum *virgo*, ut talis, *parere non possit*, sed *uxor*, cognita viro. Sic quando Sacra Scriptura dicit: In sacrâ cœnâ adesse & distribui verum CORPUS & verum SANGVINEM CHRISTI, propter manifesta verba Institutionis, Matth. XXVI, v. 26. 28. *Hoc est corpus meum: Hoc est Sanguis meus*: Humana RATIO apud Calvinianos in abusu constituta, semper contradicit, & caussatur impossibilitatem; siquidem unum idemq; numerò corpus non possit esse in pluribus locis. Persvasi enim sunt, de crassâ, locali & Capernaicâ præsentia ac manducatione nos intelligere verba Sacræ Scripturæ. Sic quando Sacra Scriptura dicit: *DEUM esse unum*; & tamen *TRES esse, qui testimonium dent in cælo*: Deut. 6. v. 1. Job. 3. v. 7. RATIO, apud Photinianos, Judæos & Turcas, in abusu constituta; pertinaciter se opponit, & isti summo mysterio non sine blasphemîâ contradicit. Sic quando *VERBUM* dicitur *CARD factum* Job. 1. v. 14 in promptu est, ex humanæ RATIONIS abusu, contradicere per illud Principium: *Finis non esse capax infiniti*. Et *diversas numero Naturas, diversas quæq; numero habere*
typo

62
hypothes. Anne igitur propterea Litera deferenda est; & propter hanc CONTRADICTIONEM, quam allegat Ratio, malè se gerens; in verbis Sacrae Scripturae admittendus est Tropus? aut glossa & conciliatio talis addenda, quæ RATIONEM, in abusu constitutam, revelationi divinæ & evidentissimæ literæ anteferat. Profectò nemo hoc dixerit. Patet ergò & hic, CONTRADICTIONEM illam, non posse esse sufficiens fundamentum recedendi à literâ, & admittendi Tropum, in verbis Sacrae Scripturae, mysteria fidei concernentibus: Sed ibi RATIONEM admonendam esse, ut se contineat intra sua septa, & intra suum circulum. Utcunq; ergo sexcenties dicant & ad ravim usq; clamitent Adversarii: Hoc adversatur rectæ RATIONI! Hoc est contra omnem RATIONEM! Hoc per omnem RATIONEM est impossibile! tamen nihil efficiunt. Quia 1. Ratio illa, quam allegant, non est recta, sed malè applicata. 2. Quia quicquid PRIMA VERITAS revelat, est credendum, quamvis id RATIO HUMANA tanquam inferior, non capiat. Hinc de Peccato Originali & dicto Psalm. LI. scribit B. Chemnitius in Examine Concilii Tridentini Part. I. p. 92. Edit. Francof. Cum igitur massa embryonis, in primo ardore conceptionis, primum inciperet uterit calore foveri, jam erat peccato contaminata, quæ contaminatio juxta Davidis confessionem, habebat veram rationem peccati, cum nondum formata essent vel mentis, vel voluntatis, vel cordis organa. Non autem ignoro, quàm multa hic possint disputari, de voluntario, de origine animæ, & conjunctione ejus cum corpore: sed nos cum Ambrosio, non Dialecticorum argutis, sed piscatorum simplicitati credimus. Contradictio igitur, quæ inter Sacram Scripturam & RATIONEM, malè applicatam, est; non potest esse tantæ rei principium aut fundamentum; ut clarum est & manifestum!

III. Sed inquis: *Esse hoc de RATIONE in abusu constitutâ & malè applicatâ: Sed quando RATIO recta est, & principiis suis*

*fuus rectè utitur, est ne tum fortasse sufficiens fundamentum recedendi à literâ & admittendi Tropum? Ut dubium hoc tollamus, distinctè procedendum erit. Quare I. Aut quæstio est, de REBUS merè naturalibus, & etiam hoc modo expositis in Sacrà Scripturâ: & de hisce judicium RATIONI rectæ; ut & jus, propter sua principia recedendi à clarâ literâ & admittendi Tropum, libenter concedimus. Si quis enim dicere velit, Johannem per integrum triennium in utero gestatum fuisse: meritò ipsi oppono verba Lucæ, cap. i. v. 57. *Elisabetha verò completum est tempus pariendi: & peperit filium; & provoco ad cursum Naturæ, quem verba manifestè indicant & præ se ferunt; dum dicitur: completum est tempus pariendi: Et sextimensis mentionem facit Angelus, Luc. i. v. 36. Aut quando aliquis mari tribuere velit vellem & valvas, propterea quod ei legantur apposti, Hiob. XXVIII. v. 16. rectè pronuntiatur ex ipsâ Naturâ, Ratione & Experientiâ: in illis verbis contineri Metaphoram. Aut quæstio est de iis REBUS, quæ puræ fidei & revelationis divinæ sunt. Et ita etiam RECTÆ, & intra suam Sphæram sese continenti Rationi, nihilominus judicium de iis, ac fundamentum recedendi à clarâ literâ, & admittendi Tropum detrahimus. Causa est: quoniam RES istæ, quæ meræ & puræ revelationis sunt, humanam Rationem exsuperant, & sunt supra captum ejus. Quod igitur ipsa non capit, id quoq; non judicat; ut manifestissimè liquet. Nec quicquam hic humanæ RATIONI decedit, aut detrahitur. Relinquitur enim ista in suo foro, & intra suos Terminos. Ac Revelatio Divina, sine ejus consilio, ea quæ puræ sunt fidei, in Sacrà Scripturâ perspicuis & evidentibus verbis exponit. Deinde II. Aut est quæstio de veritate Connexionum: Aut est quæstio de veritate sententiarum. Jam si de hac quæritur; patet iterum, intra suam Sphæram modestè RATIONEM HUMANAM continere sese debere. Quia caro &**

*Sanguis non revelavit tibi, sed Pater meus, qui est in cælis, dicebat CHRISTUS ad Petrum, insignem de sese confessionem, edentem, Matth. XVI. v. 17. Si autem de veritate connexionum quæstio & sermo est; ut quando vel in ipsâ Scripturâ unum colligitur ex altero: aut nos aliquid per bonam, legitimam, & necessariam consequentiam, ex Sacrà Scripturâ concludimus: ibi RATIO RECTA non est excludenda. Sic enim Paulus Rom. XI. v. 6. ex eo, quod dixerat electionem factam esse secundû gratiam: rectè colligit; & ex principio humanæ Rationis primo, per legitimam connexionem dicit: *Quod si per gratiam, non jam ex operibus: quandoquidem gratia, jam non est gratia. Sin ex operibus, jam non est gratia, quandoquidem opus, jam non est opus.* Quantum autem & hîc RATIONI permit- tendum sit & debeat, patebit ex sequentibus.*

IV. Optimè intellexit hæc, & ne quisquam Philosophiam & rectam RATIONEM in vero usu constitutam suo necessario usu & meritissimâ laude per imprudentiam fortè aut ignorantiam privaret, diligenter præcavit, bonus ipse Dialecticus, augustissimus Pater Augustinus, dum lib. II. de Doctr. Christ. c. 31. scribit: *Resant ea, qua non ad corporis sensus, sed ad rationem animi pertinent, ubi disciplina regnat disputationis & numeri. Sed Disputationis disciplina ad omnia genera questionum, qua in literis sanctis sunt penetranda & dissolvenda plurimum valet: tantum ibi cavenda est libidinositas, & puerilis quadam ostentatio decipiendi adversarium. Item: Sunt etiam verae connexiones ratiocinationis falsas habentes sententias, qua consequuntur errorem illius, cum quo agitur. Quæ tamen ad hoc inferuntur à bono & docto homine: ut in iis erubescens ille, cujus errorem consequuntur, eundem reliquat errorem: quia si in eodem manere voluerit, necesse est, ut etiam illa, qua damnat, tene- re cogatur.* Id quod exemplo collectionis Paulinæ, 1. Cor. 15. v. 16, illustrat; & subdit: *Cum ergo sint verae connexiones, non solum*

solum verarum, sed etiam falsarum sententiarum, facile est veritatem connexionum etiam in scholis illis discere, quæ præter Ecclesiam sunt. Sententiarum autem veritas in sanctis libris Ecclesiasticis investiganda est. Homo enim, timens DEUM, inquit Lib. III. c. 1. p. 20. Voluntatem ejus in Scripturis sanctis diligenter inquiris. Et adhuc clariùs, cap. XXXII. Ipsa tamen veritas connexionum, non instituta, sed animadversa est ab hominibus, & notata, ut eam possint vel discere vel docere. Nam est in rerum ratione perpetua & divinitus instituta. Sicut enim, qui narrat ordinem temporum, non eum ipse componit: & locorum situs, aut naturas animalium, vel stirpium, vel lapidum qui ostendit, non res ostendit ab hominibus institutas: & ille, qui demonstrat sidera, eorumque motus, non à se vel ab homine aliquo rem institutam demonstrat: sic etiam qui dicit, cum falsum est, quod consequitur, necesse est, ut falsum sit, quod præcedit, verisimilè dicit, neg. ipse facit, ut ita sit, sed tantum ita esse, demonstrat. Et hæc Regula, dicit sub finem hujus capituli, pertinet ad veritatem connexionum, non ad veritatem sententiarum. Ac Cap. XXXIV. Quapropter aliud est nosse regulas connexionum, aliud sententiarum veritatem. In illis discitur, quid sit consequens, quid non consequens, quid repugnans. Consequens est: Si orator est, homo est. Inconsequens: Si homo est, orator est. Repugnans, si homo est, quadrupes est. Hic ergo de ipsa connexionione judicatur. In veritate autem sententiarum, ipsa per se sententia, non earum connexio consideranda est, sed veris certisq; sentiendi, cum incerta verà connexionione junguntur, etiam ipsa certa fiant, necesse est. Quidam autem sic se jactant, cum veritatem connexionum didicerint, quasi sententiarum ipsa sit veritas. Et rursus quidam plerumq; retinentes veram sententiam, malè se contemnunt: quia leges conclusionis ignorant. Hæc omnia Augustinus. Quæ etiam ea, quæ modò afferebamus, egregiè tam illustrent, quàm confirmant.

V. Quando ergo nunc quæritur: Ad quem judicium,
de con-

de contradictione, in simili nimirum casu, quando RES SACRÆ SCRIPTURÆ, & RATIO in abusu constituta, sibi contradicunt; uti per aliqua exempla in Theol. platum fecimus: pertinet? ex Augustina respondemus: Quantum attinet ad veritatem connexionum, domesticum id & proprium Bonum est Logicæ. Quantum autem attinet ad veritatem sententiarum; Id nullo modo Logici est: sed Theologi. Theologus enim ex Sacra Scripturâ proponit veritatem sententiarum, & dicit: Hanc vel illam assertionem evidenter in Scripturâ contineri, & propterea limitationem aliquam principio Naturæ, quod opponitur, addendam, aut illud rectè, nec extra suam orbitam efferendum aut explicandum & intelligendum esse. Quod commodè etiam exponi solet ita: *Contradictionem* considerari aut *formaliter*: aut *materialiter*. Logicam & Humanam RATIONEM; dici potest, judicare de *Contradictione*, *Formali*. Videlicet; aliquas propositiones, v. g. illas: *Finitum non est capax infiniti*: & *Finitum est capax infiniti*, sicut factum est in Incarnatione, si intelligantur secundum veræ contradictionis requisita; esse verè contradictorias. Non autem de *Materiali*. Quod enim illa *Propositio*: *Verbum caro factum est*, alteri non contradicat; siquidem mysterium hoc sit, quod supernaturaliter sit factum & extra cursum Naturæ: hoc docet & tradit Sacra Scriptura, & ex eâ, Theologia. Verus est ergo ille Canon tantum in suâ Sphærâ.

VI. Ex quo patet etiam alterum: Nempe; *Unde petenda sint principia conciliationis, per quæ concilianda sit ejusmodi apparens contradictio?* Videlicet; quando propositio aliqua, naturaliter cognita, & altera divinitus revelata invicem videntur pugnare & sibi contradicere: tunc quoad *propositionem revelatam*, itidem hoc vindicamus soli Sacra Scripturæ. Imò; quamvis Principia RATIONIS rectè, & in Sphærâ suâ explicare sit Rationis: tamen primæ partes, quoad *concilia-*

nionem, in solidum ad Theologiam spectant; Siquidem in tali casu plerunque non de propositione naturaliter cognita: sed de propositione revelata potissima controversia est. Hanc ergo tanquam *veritatem sententiarum* defendit *Fides & Theologia*; ostendens, eam propter evidentem revelationem divinam veram esse & credendam; quandoquidem quicquid prima veritas revelat, id sit infallibiliter verum. Ut cunq; RATIO id nequeat comprehendere; aut à Theologo explicari modus, quo ista fiant. Ac ita ista veritatem sententiarum defendit; & quantum ad propositionem *revelatam* attinet, *principia conciliationis*, quoad *materialia*, suppeditat. Sacra enim Scriptura est, quæ fidei mysteria tradit, & eo ipso, dum per revelationem divinam nobis innotescere ea facit, simul erudit, quòd supernaturalia sint; neutiquam ad RATIONEM HUMANAM aut cursum Naturæ examinanda, sed piè credenda Diximus; Quoad *materialia*; Sacram Scripturam & Theologiam suppeditare principia conciliandi contradictionem. Nam quod attinet *Formalia principia* istius conciliationis; nempe quòd cōtradictio sit & fieri debeat respectu *eiusdem*, de *eodem*, secundum *idem*, & in *eodem tempore*: hæc suppeditat RATIO & Logica. *Materialia* autē quoad enunciationem *revelatam* suppeditat Sacra Scriptura & Theologia, quæ nicitur quoad revelationem divinam & veritatem sententiarum his quatuor quasi columnis. DEUS est I. *Sapientia* ipsa, & quidē infinita: E. non potest errare. Est II. *Bonitas* ipsa; E. nō potest fallere, aut per obscura & fallacia verba decipere. Est III. *Veritas*; E. non potest mentiri, quoniam *impossibile est*, DEUM mentiri, Ebr. VI. v. 18. Est IV. *Omnipotentia*. Ergò; quicquid pollicetur & dicit, hoc etiā facit. *Quia non erit impossibile apud DEUM omne verbum*. Luc. I. v. 37. Quicquid ergò evidenter in Sacra Scripturā & perspicuè revelatum; id verum est, & credendum, quamvis univrsus mundus contradicat. Nam
garriat

garriat ille: nos credimus! & dicimus: Multa nobis videri
implicare contradictionem, quæ tamē reverā nō implicant.

VII. Ne autem sub preciosissimis & solidissimis illis
fundamentis, nobis credendum aliquid obrudatur, quod
tamen in verbo revelatum non sit; Sicut de Transsubstantia-
tione apud *Chevenitium Part. II. Exam. p. 76.* Andrædus tale
formavit argumentum: *Scriptum affirmat, apud DEUM non
esse impossibile omne verbum. Ergo credenda est Transsubstantia-
tio, et signaturæ vires ac modum, humanumq; captum longò inter-
vallo superet, elegans enim & vera est Augustini sententia: Cùm
DEUS aliquid facit, quod nos investigare non possumus, ratio facti
est potentia facientia.* Notanda sunt, quæ *B. VIR* egregiè ibidem
reposuit: Sed plana est, inquiens, ad hoc argumentum respon-
sio. Non enim, quia DEUS omnipotens est, ideo quicquid nobis vi-
sum fuerit, sine verbi ipsius testimonio ipsi tribuere debemus. *Ter-
tullianus* inquit: Potuisset DEUS hominem volatilem facere, sed
non quia potuit, ideo & fecit. Scriptura igitur tradit hanc regu-
lam: Omnia, quaecumq; Voluit, fecit. Voluntas autem DEI in re-
bus fidei ex verbo ipsius discenda & iudicanda est. Et quando de
voluntate DEI ex verbo certò constat, tunc valet argumentum ab
omnipotentia. Ideò significanter Angelus loquitur, cùm affirmat
omne verbum, hoc est, quicquid in verbo patefecit, apud DE-
UM non esse impossibile. Transsubstantiatio igitur ex verbis CHRI-
STI clarè probanda, & ostendenda est: & tunc intellectum no-
strum libenter, Spiritu Sancto adjuvante, capiamus in obse-
quium CHRISTI, Sed illam probationem præstare non possunt. Fra-
strà igitur de Omnipotentia DEI concionantur. Nam Andrædus,
ut pergit *B. Vir p. 78.* post mediocrem velitationem, Transsub-
stantiationem collocat inter illas res, quæ nullis Scripturæ Sa-
cræ testimoniis apertè definitæ & explicatæ sunt. Nos
igitur ad totam disputationem rectè accommodamus verissimum
illud axioma: *Nihil pro articulo fidei Ecclesia proponendum esse.*

quod non ex manifestis, certis & firmis Scriptura testimoniis, aperte ostendi & probari potest. Hæc B. Chemnitius.

VIII. Sed quod Sacra Scriptura Materialia principia suppeditet, conciliandi Contradictionem; tum quando sibi opponi videntur propositiones duæ, quarum altera revelata; altera naturaliter cognita; tum quando duæ Propositiones revelata sibi invicem contradicere videntur: Id nunc exemplo aliquod probabimus. Nam *Genes. XXI. v. 12.* dicebat DEUS ad Abrahamum: *In Isaac vocabitur tibi semen.* Cap. autem *XXII. v. 2.* jubetur Isaacum mactare, in cineres redigere, & Domino in holocaustum offerre. Hæc certè non videbantur coherere. Nam Isaacum habere vivum stipitem progeniei: Et Isaacum non habere vivum stipitem progeniei; omnino videntur esse contradictoria: Unde elegantissimè de hac re B. noster Lutherus scribit, *Comment. in Genes. p. 273. f. b. Dixi, quæ fuerit tentatio Abrahæ, nempe contradictio promissionis. Egregiè igitur hic elucet ejus fides, quod tam promptò animò, jubenti DEO obsequitur; & quanquam mactandus sit Isaac, tamen de promissione implendâ nihil dubitat, etiamsi modum impletionis ignoret. Est autem trepidat & paret: quid enim aliud faceret Pater? tamen hæret in promissione, futurum, ut aliquando habeat semen Isaac. RATIO HUMANA; pergit, simpliciter concluderet, aut mentiri promissionem, aut mandatum non esse DEI, sed Diaboli. Est enim contradictio manifesta. Si enim debet occidi Isaac, irrita est promissio. Sin rata est promissio, impossibile est, hoc esse DEI mandatum. Aliud ratio non potest, sicut exempla ostendunt in senioribus negotiis! Sacramentarii, scribit porro B. VIR, contradictionem faciunt, quod CHRISTUS dicit: Accipite, hoc est corpus meum: & CHRISTUS sedet ad dextram Patris. Inde concludunt: Ergò in cenâ Domini tantum distribuitur panis & vinum, non corpus & sanguis CHRISTI. Item: Caro nihil prodest; Christus in cenâ dat carnem suam. Ergò CHRISTI caro in-*

cena

eandē non est. Hoc verē est illotis pedibus irruere in Scripturam,
 Sacram, & sequi cecum rationis iudicium. Et tandem inquit: A-
 brabam, cū hic manifesta contradictio sit (inter mortem enim
 & vitam nullum medium) tamē non discedit à promissione: sed cre-
 dit morientem filium habiturum semen. Idem nos quoq; discimus.
 Adhunc modum inuititur Abraham promissioni, & tribuit divina
 maiestati hanc potentiam, quod mortuum filium sit reditura in
 vitam. Sicut enim vidit natum ex effusa matris: & matre sterili:
 sic etiā sepultum, & in cinerem redactum credidit excitandum
 esse, ut habeat ex se semen, sicut Epistola ad Hebræos dicit: Potens
 est DEUS etiam mortuis dare vitam. Intellexit igitur Abraham
 articulum de resurrectione mortuorum, & per eum solum
 solvit hanc contradictionem, quæ alijs solvi non potest, ac me-
 ritū prædicatur à Prophetis & Apostolis ejus fides. Hæc B. nosse
 Lutherus. Ex quibus patet I: quod omnino Sacra Scriptura
 ipsa, non RATIO HUMANA materialia illa principia suppedit-
 ret, per quæ apparentes contradictiones queant conciliari.
 Sicut Abraham per Articulum Resurrectionis solvit hanc con-
 tradictionem: cum illud secum perpendisset, DEUM vel à mor-
 tuis excitare posse, Hebr. 11. v. 19. II. Verbo simpliciter esse ad-
 hærendum; si vel maxime specialem modum hujus vel il-
 lius mysterii nō possumus comprehendere. DEUS enim po-
 test unie πᾶσι τοῖς ἀνθρώποις ἐκ νεκρῶν, ὡς αὐτὸς ἔζη, ἢ ὡς νοῦμεν;
 κατὰ τὴν δύναμιν τοῦ ἐνεργησθῆναι ἐν ἡμῖν, Ephef. III. v. 20. Hinc etiā
 Formula Concordiæ dicit in Declar. p. 738. Satiū esse verā humi-
 litate & obedientiā credere perspicuis atq; dilucidis verbis Salva-
 toris, ejusdemq; serio mandato, quā ad rationis nostræ magiste-
 rium illū examinare: hac in parte observatō exemplo Abrahami;
 qui verbo DEI, de offerendo filio, simpliciter credidit, quantumvis
 illud & cum omni ratione, & cum promissione de semine CHRISTO,
 ex Isaaci stirpe oriundo pugnare videretur: non dubitans, quin
 DEUS plures habeat modos, per quos promissionem illam implere
 possit.

possit. Verbo igitur credamus: specialem modum verò DEO relinquamus, & contenti simus generalibus illis *materialibus* principiis, *quæ*; & *quatenus* ineffabilia ista mysteria in Sacra Scripturâ nobis revelavit.

IX. Liquet etiam hinc, quàm non sint statim cristæ erigendæ, aut arma sumenda, quando aliquis dixerit, *DEUM posse facere contradictoria.* Si enim hæc ejus sententia est: *DEUS potest facere ea, quæ Rationi humane in abusu constituta videntur contradictoria, vel contradictionem implicare.* Verissima est sententia, & cuivis Christiano probanda. DEUS enim potest facere *suprà ea, quæ intelligimus, Ephef. III. v. 20.* Et quoniam DEUS est infinitè sapiens: ideo potest secundum suam sapientiam & omnipotentiam facillimè modum invenire, ut contradictionem reverà non implicet, quod nobis implicare videbatur. Sicut *virginem parere*; totum mundo irrogenito videtur contradictionem implicare, & propterea esse impossibile. Sed DEUS pro suâ sapientiâ & omnipotentia facillimè invenit modum, ut neq; contradictorium id reverà sit, neq; impossibile: quia videlicet factum id est *per virtutem Altissimi, & obumbrationem Spiritus Sancti, Luc. I. v. 35.* Sic quòd in Thes. II. allatum est, ex mente Calvinianorum: *Unum numero corpus non posse esse in pluribus locis:* verum est de præsentia locali, circumscriptâ; & potentia naturali: falsum de præsentia Sacramentali; personali; majestaticâ; & omnipotentia divinâ. Item: *Quòd DEUS est unus, & Trinus,* omni contradictione caret; quia *Unus est in essentia: Trinus autem in Personis;* & si RATIO HUMANA hoc penitus intelligeret, non amplius esset mysterium & *suprà RATIONEM.* Item; *Quòd finitum non dicitur esse capax infiniti;* Et *quolibet Natura indivisa peculiarem habere hypostasin!* conciliandum est cum veritate revelatâ & Sacra Scripturâ, ut dicatur, illa omnia ita sese habere in *naturalibus:* extra Sphæram autem Natu-

Naturæ, *diversum* ostendere Sacram Scripturam. Nemo enim novisset, *Hypostasim à Naturâ Individuâ Humanâ abesse & separari*; & *Hypostasim* alicujus Naturæ alteri, nempe Hypostasim divinæ Naturæ, Humanæ communicari, duarumq; Naturarum eandem esse Hypostasim potuisse; nisi Scriptura dixisset: *Verbum caro factum est, Job. I. v. 14.* Beatus igitur, qui Sacre Scripturæ perspicuè loquenti credit: maledictus autem, qui ei cecitatem & contradictionem suam malitiosè opponit.

X. Legendus autem hic erit, & conjungendus B. nos-
ter Gerbardus in Methodo Studii Theologici, Sect. post. de
cognitione Philosophiæ, *cap. 1. & 2.* ubi inter alia dicit *p. 112.*
I. graviter peccari; quando axiomata Philosophica accipian-
tur, ut generalia, & mysteriis fidei opponantur, cum tamen
sint specialia, & in suâ duntaxat Sphærâ obtineant verita-
tem. II. Quando judicium de verâ contradictione in myste-
riis fidei committatur humanæ rationi: Certum enim qui-
dem est, inquit, D E U M non facere absolutè & simpliciter
contradictoria, ac proinde etiam certum est, contradic-
tionem absolutè & simpliciter sic dictam non habere locum in
mysteriis divinis: sed ex principiis rationis non debet, nec
potest, fieri judicium, quænam sint verè contradictoria in
fidei articulis, verum ex revelato verbo rectè hac de re statu-
endum. Et *p. 115.* hoc ipsum, quòd judicium de verâ contra-
dictione in articulis fidei non committendum sit humanæ
rationi, demonstrat 1. quia mysteria fidei sint supra cap-
tum rationis posita 2. quia R A T I O non possit judicare de poten-
tiâ DEI, quid possit vel non possit præstare. Unde *p. 119.* ad-
dit. Distingvendum inter potentiam DEI ordinariam & ab-
solutam, hæc enim potest ea, quæ contradictionem nobis in-
volvère videntur. Ubi notari velimus verba: *Videntur*, inquit;
non, quæ reverà implicent; ne quis B. VIRO injuriam faciat,
aut in-

aut innocentem in jus vocet, & in scitæ aut imprudentiæ potestulet. 3. Quia RATIO per lapsum est excecata, vanitate, erroribus ac tenebris implicata, in divinis ac spiritualibus rebus judicandis. 4. Rationem jubemur captivare sub obsequium CHRISTI, 2. Cor. 10. v. 5. Ac III. p. 127. subjungit. Præterea limitationes, & explicationes illas Philosophicorum axiomatum non profert Philosophus, quæ Philosophus, ex sua scientiæ principii, ea enim ignorat divina mysteria (patet, quod de limitationibus ex ipsis mysteriis & ipsorum Principio, Sanctâ Scripturâ petitis, ut & de piâ submissione, & admonitione, ne RATIO suos limites excedat; loquatur) quomodo igitur propter illa limitabilia sua axiomata? Sed quæ Christianus, vel potius, quæ Theologus ex Theologia principii. Et hinc est; quod inter Christianos & Orthodoxos, Cathedra Theologica & Philosophica nullatenus pugnent; sed amice se respiciant. Tradunt enim, si qua alterâ indigeat, operas mutuas; & utraq; alterius veritatem intra suam Sphæram relinquit, & si eâ opus habet, eandem præsupponit. Oñsum ergo est ita: - I. Contradictionem rationis in abusu constituta non esse causam, quam ob rem sit admitendus Tropus, aut recedere nos oporteat in rebus FIDEI à clarâ lictérâ. II. Judicium de Contradictione in mysteriis FIDEI, & in Rebus Sacra Scripturæ, quoad materialia soli competere Theologiæ. Et propterea III. Etiam materialia principia, ea cum principii RATIONIS conciliandi, ex Solâ Scripturâ Sacrà esse petenda. Veritas autem connexionum; & quæ ad formalem rationem vera contradictionis pertinent: sicut sunt Bona, RATIONIS HUMANÆ propria; ita illa ipsa eadem ut fidelis ministra, libenter ad usum divinæ ac revelatæ veritatis destinat. Rectè enim Augustinus, Lib. II. de D. C. cap. 40. Philosophi autem qui vocantur, si qua fortè vera & fidei nostra accommoda dixerunt, maxime Platonici, non solum formidanda non sunt, sed ab eis etiam tanquam injustis possessoribus in usum nostrum vindicanda. Haud aliter atq;

69

atq; nos ipsi, quoniam alias recte res explicari non potuisset, multa ex
ejus Cathedrâ, bonâ ejusdem Pace, hûc advocavimus. *Explicatio* in se-
se enim Principiorum **RATIOMIS**, & Terminorum ejusdem; perti-
net ad **RATIONEM**. Sed *applicatio* illorum Principiorum & Terminorum
ad **RES FIDEI**, quantum quidem *materia* actinet, pertinet ad
Theologiam, cujus est judicare de **REBUS FIDEI**. Ac, si idem etiam,
facit Philosophus, facit id, non ut *Philosophus*, sed ut *Christianus*, aut
Theologus; & ut **RES FIDEI** à Theologis probatas ex **Sacra Scripturâ**,
præsupponit. Ut est luculentissimum.

XI. Nunc itaq; exponamus tandem: *Quodnam sit verum & ge-
nulinum alij, sufficiens fundamentum; recedendi à clarâ literâ & adniten-
di Tropum?* Augustini **REGULAM** superius ex **Lsb. III. de D. C. cap. X.** au-
divimus; Nempe, *Quicquid in sermone divino neg, ad morum honesta-
tem, neg, ad fidei veritatem propriè referri potest, figuratum esse cognosce.*
Ex cap. XI. inquit: *Quicquid ergo asserum, & quasi sacrum factum dillig, in
Sacris Scripturis legitur ex persona DEI vel sanctorum ejus, ad cupiditatis
regnum destruendum valde. Quod si per hunc sonat, non est ad aliud refe-
rendum, quasi figurare dicitur, sic. Item Cap. XII. Si præceptiva locutio est,
aut flagitium aut facinus docet, aut utilitatem aut beneficentiam jubet,
non est figurata. Si autem flagitium, aut facinus videtur jubere, aut utilita-
tem, aut beneficentiam uti videri, figurata est.* Sunt ergo, juxta Augustinum,
Duo hujus rei Principia I. **Morum honestas**. II. **Fidei veritas**. Quicquid
hæc ad veretur, dicitur figuratum esse; quicquid non ad veretur, etiam
figuratum non esse. Sicut etiam **Flavius l. cit.** **Regulam** ita effert: *Verba
sacrarum literarum propriè accipiendâ sunt, nisi loci SENSUS in aliquem
articulum fidei, aut charitatis præceptum propalâ incurrat. Unde etiam
hæc duo Principia nos libenter admittimus. Sed nondum sunt Principi-
um hujus Rei ULTIMUM & PRIMUM. Quia enim hoc ipsum sæpe in
questione est: An aliqui locus incurrat in morum honestatem, & in arti-
culum aliquem fidei? & propterea non solum hoc: sed etiam ipsa **Morum
Honestas** in dilectione DEI & Proximi, juxta Augustinum, con-
sistens; & **FIDEI VERITAS**, ex **Sacra Scripturâ** probanda & demonstra-
da est: Id-ô patet, quod unice ad **Sacra Scripturam**, tanquam unicum,
ultimum, & primum **VERUM CREDENDARUM & FACIENDARUM**
Principium recurramus. Ut itaq; hætenus demonstravimus: **SEN-
SUM SACRÆ SCRIPTURÆ**, quoad nos, dependere nec ab *Ecclesiâ*; nec
à *Sensu Patrum*: sed ab ipsâ **SCRIPTURA SACRA & Spiritu Sancto** per*

[illegible]

alatio, quæ Sacra Scriptura conformis sit, querenda, vel divinæ
Sapientię & omnipotentię relinquenda est. V. Locī, propter quos
Tropus admittitur, debent esse paralleli. VI. Declaratio & Demon-
stratio Tropi Sensus debet esse 1. evidens. 2. sufficiens. Uti Pl. Re-
verend. Dn. D. Glasius rectissime cum Flacio tradit loc. cit. p. 406. Multi
enim, scribit p. 167. Flacius: hoc tempore volentes demonstrare Tro-
pum loci alicujus, satis habent unius aut alterum exemplum, utcumq. si-
mile proferre. Quod, quid aliud est, quam 2. particulari ad universale
argumentari? Pro declaratione foris hoc satis sit, ac pro evidenti demon-
stratione nequaquam. Quare in locis controversis, inde in agni momenti
dogmata exstruuntur, necessaria probationes Troporum adducere sunt,
probandumq. est, quod eo ipsi loco Scriptura tali Tropo usa sit, atq. eo aliove
modo, certa loci vox necessario accipi debeat! Hæc Flacius. Quibus nos
per omnia cōsentimus.

XIV. Idem judicium autem, quod hætenus de ADMISIONE
TROPI tulimus: ferendum etiam de CANONICA PHILOSO-
GORUM, Non enim sufficit dicere aliquam locum esse aliquo CA-
NONE POSSE explicari: sed ex contentu & locis parallelis demon-
strandum est, quod DEBEAT. Vide Luch. Tom. III. Junius Germ. p.
195. Ferendum etiam est de RESTRICTIONIBVS & ADPLATIONI-
BVS sententiarum. Non enim ulla vel Restrictio, vel Adplatio ad-
mittenda est, nisi ea evidenter & sufficienter ex ipsa Scriptura demon-
strata sit. Alio enim revera Fides nostra non CERTITUDINE sed CONJECTURA
futura esset OPINIO, si cuilibet sua hæc concederetur libertas. Vide
etiam Gerhardum in Tractatu de Interpretatione Scripturæ, p. 107,
qui legitur Tom. I. qui omnia hæc suo etiam approbat calamo. Ac
tantum est, quantum de re summi momenti, Si tu nuncius Sacrae

Scripturæ cum benevolo Lectore communicare voluntas. Ita
etiam nos DEUS in omnem vritatem! Et ad errorem fratres
nostros conservet & præservet!

COROLL. LOCŌ

- I. an puncta Bēr. ipsis literis sint cōgrua?
- II. An aqua supra caelestes dentur?
- III. Ad versio Græca, quæ hodie existit, in latine scriptis
satis interceptis sic adstruenda?

FINIS



1818
Schweizer
1818

EX MUNIFICENTIA
FERDINANDI III. M. E. D.

DIE 3. Iunii 1791.

1123-1

1123.1

